

Den Ambiente



JAN POETS

E PIONERO DI STEELPAN EDGAR CONNOR A BAY SOSEGA..

Carnaval y Turismo di Aruba a perde un gran persona.....

** Diamars ultimo a drenta e lamentable noticia cu e gran maestro di steelpan JAMES EDGAR CONNOR a fayece. Esaki sigur tabata un noticia cu a shock Aruba completo, muy enparticular e sector turistico y nos ambiente di carnaval cual ta e dos partinan cultural di mas importante di nos isla.

Un persona hopi importante a bay laga Aruba, esaki tabata e comentarionan cu bo por a tende tur caminda despues di e lamentable noticia aki.

Mundo di farandula ta den luto cu fayecimento inespera di James Edgar Connor, kende pa casi henter su bida a dedica su mes den e mundo di steelpan.

James Edgar Connor for di su infancia y te na ultimo di su morto tabata sumente activo deleitando nos bishitantenan y durante e temporada di carnaval riba su steelpan, cual e tabata un maestro incomparable.

James Edgar Connor tabata un motor incansable pa mantene steelpan, cual tabata e atraccion mas principal di Aruba su carnaval for di su nacemento.

El a keda lucha te na su final hunto cu su grupo Invaders cu e mes a funda for di aña 1949, despues cu e grupo di Trinidad cu a introduci steelpan na Aruba a bandona nos isla.

E temponan ey ta steelband a inicia y tabata comenda nos carnaval pa hopi aña te cu bandanan musical a cuminsa drenta, despues brassband y awor e mundo di tecnologia a bira asina moderno cu a cumin-

sa hasi uso di computer.

marduga y termina te cu ora solo baha.

Hotel. Practicamente na tur hotel Edgar



E tempo di James Edgar Connor no tabata facil, ya cu nan

Edgar Connor hunto cu su grupo Invaders a deleita nos turistanan

Connor y su grupo Invaders a presenta.

Durante actonan y ceremonianan importante semper Edgar Connor y su grupo Invaders tabata digno embahadornan di nos isla turistico.

Su dedicacion, sacrificio y amor pa su steelpan y su grupo Invaders tabata uno primordial pa su persona. Ora Edgar Connor ta tras di su steelpan, esaki tabata un atraccion super especial pa e turistanan cu tabata keda sumamente encanta cu e musica magnifico cu e tabata saca for di su steelpan.

Un di su admiradornan tabata su mahestad Reina Beatrix, cual na diferente ocasion e maestro di steelpan tabatin e honor pa presenta na honor di su mahestad Reina Beatrix. Riba un di e portretnan den e pagina na memoria di



mester a hala nan bari nan di steelpan cu cabuya y nan tabata sali for di village for di

pa hopi aña y te na ultimo e tabata toca na Radisson, Bushiri, Marriott y Americana

James Edgar Connor por aprecia su mahestad Reina Beatrix ta goza di su presentacion.

DEN AMBIENTE por a compronde cu for di basta dia e maestro tabata sufri di un quebrante di salud den Dr. Horacio Oduber Hospital. Tabata conoci cu Edgar Connor tabata sufri di curason, na unda el a tuma varios tratamiento den exterior manera e.o. Houston y Hulanda.

Diamars ultimo pa banda di 1:45 di merdia dokter Van Leeuwen a constata morto di James Edgar Connor, kende a bay sosega na edad di 57 aña.

Sin duda un gran persona cu lo bay hasi hopi falta den e proximo temporada di carnaval. Tambe indubablemente serca e turistanan cu bolbe Aruba y tuma nota cu e gran maestro di steelpan JAMES EDGAR CONNOR no tey mas.

Ta mas cu husto cu durante su entiero cual lo bay tuma lugar diamars awor dia 8 di october na Pentecostel Church na Bernardstraat, San Nicolas, henter pueblo di Aruba lo sa di dune su merecido atencion.

DEN AMBIENTE ta extende su mas profundo sentimentonan di condelencia pa su famia. Cu JAMES EDGAR CONNOR SOSEGA NA PAZ.

Den Ambiente



DEN FELIZ MEMORIA DI E GRAN MAESTRO JAMES EDGAR CONNOR



**** Foto historico ta ilustra Edgar Connor hunto cu su grupo Invaders tocando na honor di su mahestad Reina Beatrix durante apertura di Promenade na San Nicolas.....**




**** Edgar Connor regalando su yiu Nico Connor kende tambe ta un gran musico un Steelpan. E tempo ey Nico tabatin 11 aña.**



**** Edgar Connor dunando un demostracion riba tres Steelpan durante un show turistico**



**** E dos grandinan di Carnaval Edgar Connor y Milo Croes president di SAC.....**



**** Esaki tabata e prome grupo di Steelband forma pa e maestro James Edgar Connor**



**** E prome grupo di Steelband cu a presenta na Aruba tabata na aña 1952, den cual Edgar a forma parti di e Aruba All Star Steelband..**

Opb. - 18 jan. 1939
gest. - 1 okt. 1996